

JAORGANK 13 - 2019

# de Uulewapper

OETGAVE VAN SJTADSVASTELAOVESVERENIGING D'N UUL REMUNJ




AHOY!



## Danieck d'n Eerste

JEUGDPRINS D'N UUL 2019





## LEEF UULKES EN UULINNEKES EN NETUURLIK OUCH LEEF 'ALLE ANGER KIENJER OET REMUNJ EN ÓMGAEVING'!

Dit jaor is de Uulewapper weer giga-supervol gewaore. En net wiej veurig jaor sjteit de ganse Uulewapper in 't teike en thema van de Kienjermusical: "Sjat". En netuurlik heel väöl aandach veur oze nuje Sjadsjeugprins. 'n Paar tips óm zeker neet euver te sjlaon:

- De Sliep-euver???
  - LVK-deilnaemster Fiorenza???
  - Nao Mars???
  - Relikwie???
  - Interview mit Ingrid Breugelmans
  - Pirate moppe
  - Uulejónge
  - 't Döbbelinterview mit de Prinse???
- En nog hééél väöl meer.

En det neet allein in de Uulewapper. Bie sómmige sjtökskes zolt geer ouch zogenaamde QR-codes zeen sjtaon, als geer die code mit 'ne QR-scanner op de smartphone scant, kint geer online nog meer bekike en beloestere euver det óngerwerp.

**HEEL VÄÖL LAES- EN VASTELAOVESPLEEZER!  
DE UULEWAPPERS**



## Vacatures Kienjer-, Jeuggarde en Uulejónge



### Kienjergarde

De Kienjergarde is veur maedjes van 6 t/m 11 jaor aad. Der is momenteel waal ein wachlies, maar 'kint nooit gein kwaod om eur kiendje dus al ein paar jaor veur 't 6 jaor waert op te gaeve. Vanaaf begin september beginne de kiendjes eder waek sjtepke veur sjtepke 't dansje van det jaor te oefene.

### Jeuggarde

De Jeuggarde is veur maedjes van 12 t/m 15 jaor aad. Opgaeve veur de Jeuggarde kint eder jaor tösse maart en september. Vanaaf begin september beginne de maedjes eder waek sjtepke veur sjtepke 't dansje van det jaor te oefene.

### Uulejónge


De Uulejónge is veur jöngskes vanaaf 6 jaor aad. Opgaeve kint 't hele jaor door. De Uulejónge is een saort Jeugraod van XI bie D'n Uul: ziej make deil oet van de Uulefamilie en vorme same mit 't Jeugprinselik Gezelsjap, de Kienjergarde en de Jeuggarde 't oettrekkend Jeuggezelsjap van D'n Uul.



### Algemein:

't Oettrekkend Jeuggezelsjap geit vanaaf 't oetrope van de Sjadsjeugprins in de loup van 't Vastelaovessezoen óngeveer 6 toet 8 keer mit de Jeugprins mit nao anger prinseresepies; soms op zaoterdaag middaag maar meistal op zondaagmiddaag. Mit de Vastelaovesdaag ziej edere daag mit de Sjadsjeugprins mit, ouch altied allein sjmiddaags.

Eder gezelsjap haet ein paar vaste begeleiders en de elders van de kienjer zeen (doa wo meugelik en genög plaats in de bös) altied van herte welkom om mit te gaon.



#### Refrain:

Miss Vastelaovend, Miss Vastelaovend,  
Waat een plaatje, maedje, wat een prach  
Miss Vastelaovend, Miss Vastelaovend,  
Smink oppe het snuitje, en leef det het lach  
Miss vastelaovend is gelökkig neet allein  
Der zeen hiej hongerdoezendj misse oppe bein  
Neet misselijk en gaar neet mis  
Maar het sjoonste maedje det d'r is

#### Couplet:

Miss World is prachtig rondj, net wie de waerelbdol  
Miss Holland is hieël knap, maar is van zichzelf zo vol  
Miss Limburg haet ein prachtig Limburgs landjsjap  
in heur kleit  
Mer de sjoonste miss van allemaol, is die die veur  
mich sjiteit

#### Couplet:

Miss Pruuses is verucklig, wat ein wunder der natoer  
Miss Boerin is neet te misse, mer die wilt eine boer  
Miss brabaont is heul sexy knap, maar die verstaode niej  
De allersjoonste miss van allemaol, die is vanaovend hiej.

#### Brug:

Al bisse diek, dun, klein, groet,  
det maaktj gaar neet oet,  
miss vastelaovend, haet smink  
en eine glimlach op heur toet  
Al bösse zwart wit, aad jonk  
det maakt gaar neet oet,  
Miss Vastelaovend straolt,  
111 % de vastelaoevend oet.



# VEER DREIJE DOOR



## Danieck I, Sjtadsjeugprins van D'n Uul 2019

"Det zit bie ós in de femelie... en det kriegs se d'r neet meer oet". Danieck I gebaore op 27 februari 2007 in Remunj. Wiewaal moder Shoshan Benjamin op de sjtasiefestasie waas oetgetèld haet hae toch nog e waekske op zich laote wachte. Det haet euverigens Shoshan neet weerhaje óm toch efkes 't sjtasieplein op te gaon dae middaag.

Danieck haet de vastelaovend vanaaf det d'r de ouge aope kós doon belaef en mitgedaoen. Moder Shoshan Benjamin is ein van de grótste vastelaovesvierders die-s se dich maar kins bedinke. Vader Marc Brouns is oet 'n ech Ulenes gebaore. 'Is dan ouch neet gek det d'r jaore bie de PK haet mitgesjpeeld op de träöt en noe lid is van de Aad Prinsekepel die zich op vastelaoveszóndig bie-ein goje. Ziene Opa Ben en Oma Hermine Brouns zeen heel get jaore bie d'n UUL heel aktief gewaes en Ben is nog lid van 't optochcomité. Oma Toos Benjamin viert ouch nog sjheels same mit häör nich van 80 de vastelaovend en is 'n bekinde sjriefster van Veldeke.

Danieck is de grote broor van zie zöster Bibi, 'n echte regeltante. Prón wit zie zösterke zit Danieck op basissjool de Sjeine Brök, Danieck in groep 8 en Bibi in groep 6. Ómdet d'r op de Dr. Leurssjtraot is opgegreujd, kinne v'r dus zeker sjpraeke van 'ne echte sjtadsjóng.

Boete zien sjoolbezeuke is Danieck 'ne ras voetballer. Heel fanatiek sjpeelt d'r bie SHH in team JO13-5 toet hae d'rbie neervèlt. As d'r dan nog tied euver haet, drejt d'r gear plaatjes mit zien DJ oetrösting. Mit 't boete de deur dreije van plaatjes is d'r ouch al begós... Veurig jaor haet hae nog veur de juuste "schwung" gezorg op 't sjlaopfeesje van de kienjergarde en Enzo I.





Ouch is hae al jaore op vastelaoveszón daag bie de Aad Prinse-kepel te vinje óm e paar uurkes mit te doon. Op maondaag gaon ze mit de ganse familie bie Kefee de Kade nao de optoch kieke. Dit is de "sjtamkroeg" van ziene dórlustige hoogdheid, want die is van ziene (sókker)ome Nicky Brouns. Vanaaf det Danieck kint loupe geit d'r al mit de vastelaovend mit. Pap nump 'm vanaaf zien tweede al mit nao de sjolefestasie óm de vastelaovend te preuve. Pap preuf dan vanzelf mit. Noe 9 jaor verder is hae d'r nog sjteeds bie maar gaon ze toch al veuraan sjtaon mit Job en Vinn. 'Is dan ouch neet gek det d'r dees twee men aan zien zie haet gevraog dit jaor. Job is de zoon van Dave en Janneke Mevissen. Dave is de naef van Marc en zie wone op de Meulewaeg rech taegeneuver Danieck. Job en Danieck zeen same opgegreijd en gaon ouch eder jaor in de zomer same op vekansie. Job haet nog e breurke Pim en v'r kinne waal zègke det Dave en Janneke neet "vies" zeen van de vastelaovend.

Ziene angere bëste vrundj, Vinn Lutgens, is zien tweede sjteun en toeverlaot kómmend sezoen. Vinn en Danieck zeen ouch ónaafsjeijelik en haje van humor, game en veural van voetballe. Ze sjpele allebei in 'tzelde team bie SHH en zitte al 8 jaor bie-ein in de klas! Vinn haet nog 'ne ajere broor, Lenn, en woont same mit zie vader Leon en moder Carola, van Nagelsalon Carola, op de Zandjbergsjtraot.

Ómdet zie zöster Bibi altied thoes alles wilt regele is 't dudelik det het dae taak ouch veur 't prinselik gezelsjap op zich geit naeme. Het maak 't gezelsjap kómpleet en zal veur de juuste "balans" zorge en good kieke det 't häör aan nieks óntbrik.

Óm kórt te zeen, hie zeen alle juuste ingrediënte veur e geweldig prinselik gezelsjap bie-ein. Ónger ziene liefsjpreuk "Veer dreije door" zalle zie zich neet oet de waeg make veur e denske en gein taofel ónbenut laote óm op te sjpringe. Vanoet 't episich centrum op de Dr. Leurssjtraot zeen ze klaor veur e topsezoen.





# Proklamasie veer Danrieck 1



Sjadsjeugprins van Remunj, bij de gracie van Sjadsvastelaoves-vereniging On Wu l in 't jaor 2010.

Gebaore as echte sjadsjöng op de Dr. Leurssstrap en fanatiek in zien passie voetbal in de 70-13-05 bij SHK in Hartle en leerling van de Sjelene Brök.

Zoon van Aad Pk. muuzikant Marc Brouns en Shoshan Benjamin, kleinzoon van bekende dialect schrijfster Toos Benjamin en Ben en Hermine Brouns echte ras-uule! Naefke van Aad Sjadsjeugprins Nicky 1 en Janou.

Teotse naef van oze' Sjadsvastelaoves oppas tante Shammi.

Toeksig van zich zellef en fanatiek deejee en dit sezen ongerssteund

mit vaoł lot

en plezeer

door zien beste vruij  
toezend oug van

Job en Vinn, onger-  
zien zoster Bibi.

— gaeve uch te kizize det: —

Opgetekend en gesproken in Remunj

Es veer deeje' deejie veer door!

- Det de vastelaovend os door + partlaepels is ingeqaeve!
- Det 't voetbal net zo hel "doordreijt" as ote "meters,
- Det veer oec hoi) neet óndreije veur elu fessie!
- Det veer gaeer op de kirmis doordreijt!
- Det de Sjelene Brök twees os sezen 't Remujs kertekke nöt begrijet!
- Det veer al döks bij de vrouwliujs zitting zeen gewies!
- De appelkes neet wied van de boum valle!
- Veer al 1-11 jaor bevruidj zeen!
- Hoe alles "dreijt" om de Vastelaovend!
- Det de grote Prins auch ins mit os mitwoog as dr xich gedreua!

onger de en ouge oec liefspreuk:

veer

door

D r e i J e

# GALERIE VAN (AAD)JEUGPRINSE MIT HÄÖR ADJUDANTE



2016  
Sjors I mit  
adjudante  
Mick en  
Scay



2018  
Enzo I mit  
adjudante  
Sjors en  
Stijn

2017  
Niek I mit  
adjudante  
Steef en  
Krijn



KIEK VEUR DE FOTO'S  
VAN DE AJERE AAD  
JEUGPRINSE EN HÄÖR  
ADJUDANTE EN OUCH  
VEUR DE INTERVIEWS OP  
[WWW.DN-UUL.NL](http://WWW.DN-UUL.NL)

# VRAOGES



## WIEJ, WANNEER EN ALS WAAT BÖS DOE BEGOS BIEJ D'N UUL?

Op mien 14de kwaam ich veur't eers bie D'n Uul terech. Mien vreugter vriendje (Bob Chermin) sjpeelde bie de PK en die hadde nog waal get versjterking neudig. Op vredaagaovend ging ich dus mit miene saxofoon in de rökzak nao de rippetesie van de PK bie Kefee Willems, wó miene pap altied mit ziene groep van Sirkes Willems achter ziene sjoes zoot. Hae vonj 't zo waal good detter mich in de gate kós haje.

## WAAT HÖBS DOE ALLEMAOL GEDAON BIEJ D'N UUL TOET NOE TOE?

Poeh, wo mótt ich beginne.... Op mien 14de dus gesjtarb biej de PK en nao drie jaor de euversjtap gemaak nao de Damesgarde. Dao toet mien 23ste biej de "Sjoonste Maedjes van Remunj" gedans, daonao nog ein jäörke mitgesjpeeld bie de PK... Ouch höb ich toet aafgeloupe jaor 7 jaor de kiendjes van de Kienjergarde getraind.

## WAAS DER GET BIEJ WAATSE 'T ALLERLEUKSTE VONJS EN WOROM?

De jaore biej de Damesgarde ware geweldig, omdat veer veur mekaar door 't vuur ging. Mér ouch de momente same mit de kiendjes ónger de traininge en mit häör mitging in 't sezoen waas genete. Mér mit "stip op 1" bleef toch 't Galadiner biej Danny I. Veer waerde opgehaold in de Bachuslimo mit ein glaeske bubbels. Ónger 't diner höbbe veer Tos noch

# AAN INGRID



toegezóngé, omdetter zich verkleid had es prins, net of veer toen al wiste detter later nog ins Jeugprins zou waere.

## DOE BÖS SINS DIT JAOR GESJTOP ALS TRAINSTER VAN DE KIENJERGARDE. WIEJ LANG HÖBSE DET GEDAON EN WOORÓM BÖSSE GESJTOP?

7 Jaor höb ich de Kienjergarde moge traine, eers same mit Nadine Meijer en daonao same mit Nienke Wassenberg. 't waas heerlik om edere zaoterdaagaovend vanaaf september mit de kids same bezig te zeen om een te gek denske in te sjtudere, mer dae zaoterdaagaovend waas metein ouch 't sjtruukelblok. Döks mos anger planne laote vare en de kombienasie mit 't werk waas ouch neet altied aeve mekkelik. Superjaomer, want ich mis de Kienjergarde enorm!



# BREUGELMANS

## NOE BÖSSE 'T VASTELAOVESGEZICH VAN LIMBURG. WIEJ IS DET GEKÓMMÉ EN WAAT HILT 'T IN?

Al jaore veurzeen ich same mit Nienke teentalle miense van schmink mit de vastelaovend. Det sjteunde mich bie 't besjloet "ich gaef mich geweun op en ich zeen waal waat detter van kump". En toen..... bleek ich toet de leste 8 genomineerde te beheure. De waeck nao 11 oktober waas flink sjpannend, want ich mos de kwartfinale en halve finale euverlaeve om in de finale terech te kómme. De finale...jee, waat waas det sjpannend. Oeteindelik won ich die ouch. Noe kinse mich everal taege kómme op posters, in böshökskes en d'r ried zellefs eine wage rondj mit mien foto d'r op! Gekker mótt 't neet waere.

## DIEN GEZICH SJTEIT OUCH OP 'T HOESJE VAN DE UULESJLAGER VAN DIT JAOR "MISS VASTELAOVEND". WIEJ IS DET GEKÓMMÉ EN WIEJ VINJSE DET?

Vórs Dirk I belde of ich es Vastelaovesgezich van dit jaor mit Aad op Nuuj op 't podium wilde sjtaon ónger 't bekind make van de Uulesjlayer 2019. Pas toen wis ich det Patrick Roger de Uulesjlayer had gewónne van dit sezoen...

Eerder had Patrick mich al gevraog of hae ein foto van mich moch gebroeke, det waas al veur det ich 't Vastelaovesgezich waerde. En wie toepasselik is de titel van 't leedje "Miss Vastelaovend" aangezeen ich Vastelaovesgezich bönn gewaore. Te gek!

## WIEJ GEIT DIENE VASTELAOVEND D'R DIT JAOR OET ZEEN?

Det zal neet angers es angers zeen. Ich vier 't same mit Nienke & Fon, mien vaste buddies. Edere daag same op sjtap, anger miense schminke, sjaele zeiver, same lache, same bääke, presies zo es Vastelaovend mótt zeen.

## WAAT WILS DOE KÓMMENDE JAORE NOG GAON DOON OF BEREIKE IN DE VASTELAOVEND?

Prins waere geit lestig waere omdet ich ein vrouw bönn.... helaas. Genete van de Vastelaovend, det wil ich blieve doon en zeker ouch biej D'n Uul! Presies zo wiej miene pap 't mich haet geleerd. Wiejer haop ich door alle kleurrike kreasies de miense te blieve inspirere.

## EN HÖBSE WIEJER NOG BEPAOLDE DRUIME?

Wie aafgezaeg 't ouch klink mér ich wil veural gezondj en gelökkig blieve! Ich höb de aafgeloupe jaore moge ervaren det 't laeve zomér veurbie kint zeen... en oojt haop ich mien eige Sökkertantes winkelke te höbbe wo desse altied terecht kins veur schmink en anger vastelaovesgeree!



# BBQ KIENJERGARDE

Op 2 september vónj de óngertösse traditionele BBQ van de Kienjergarde plaats. De waergode ware ós heel gunstig gezind, maar waat wils se ouch mit zóne zomer. De begeleijing had weer "kreatief" boodsjarpe gedaon en d'r waas genóg te aete.

Tiedes de BBQ hadde veer ouch nog hoog bezeuk: de Vórs kwaam in de Vórvrie periode sjpeciaal nao 't Witte Kirkske óm 'n heel bezunjer raeje. Nao 11 jaor begeleijing van de Kienjergarde, had Carla 't besjloot genaome óm ouch ins door te greuje. Het besjloot óm de Jeuggarde euver te sjalon en medein nao de Damesgarde te gaon as häör begeleidster. Dit kóste veer netuurlik neet óngemerk veurbie laote gaon.

Nao e wäördje van de Vórs waerde d'r e foto-book oetgereik aan Carla. Alle kiendjes van



De Formule 1-fans ónger de elders, móste toch aevekes flot sjipeke wie "oze Max" 't deej.

't sezoen 2017-2018 hadde ein of meer foto's verzameld en e sjtökske veur Carla gesjreve. Dit waas allemaol verzameld in 't book.

Names de Kienjergarde bedanke veur Carla van herte veur de aafgeloupe 11 jaor. Leef Carla, bedank veur dien gooij zorg en dien sjpontaniteit.

Dien Kienjergarde.



Oze "Zapfmeister" Hein waas veur dees gelaegeheid de "Bratmeister"



# En dan geit ein lempke oet...

Aafgeloupe zomer ging 't laeveslempke van Ronald Klaver plotseling oet. Ronald waas ruum 13 jaor lid van D'n Uul en haet enorm väöl gedaon veur en bie D'n Uul.



Es lid van 't Algemeen Besjtuur leet hae zien leech sjiene euver alles waat bie ós vereinigung gebeurde, es lid van de Raod van XI leet hae ós oettrekkend gezelsjap sjtraole es veer örges binne trokke, es lid van Jeugprins Begeleidingskemmissie haet hae ruum 11 jaor lang ós Jeugprinse in 't sjpotleech gezat en bie de Jeug en Jeugprinselike gezelsjappe 't Vastelaovesleech aangemaak. Aafgeloupe jaor sjtraolde hae zelfs nog meer wie hae waerde beneump toet Grootmeester van D'n Uul.

En alles waat hae deej gebeurde mit väöl humor, eine grote glimlach en ein onversjturbare rös en gemoedelikheid. Es hae de wäörd sjprook "Komt goed", dan wisse ze ouch detse dich gein zörg meer hoofsde te make en 't geregeld waerde.

En es 't Vastelaovesezoen veurbie waas, dan sjting bie Ronald alles in 't leech van ziene boot, de "Oldies", Zeeland maar veural van klómmele, laeve en genete op, aan en bie 't water same mit ziene zoon Max en vrouw Carla. Carla maar veural ziene zoon en allerbeste kammeraod Max trok hae ouch in alles mit wat hae deej, of det noe bie D'n Uul waas, de boot of op (vaar) fekansies. Zie twee sjtinge altied op de allereerste plaats bie hem.

Ronald zien lempke is noe dan waal oet maar als sjtraolende Uulesjter zal hae veur altied 't Uuleriek mer zeker de Kleine Uul toch blieve besjiene.

Veer wille Ronald dan ouch enorm bedanke veur alles waat hae gedaon haet en winse Carla, Max en zien familie väöl sjterkte.

Veer zalle hem heel erg misse.

De Kleine Uul



# De Uulle Gezet

## Judeska buut de Uulewapper aan

De Uulewapper waerde dit jaor tiedes de Middaag van de Nuuje Sjtadsjeugprins binne gebrach door Judeska van F.C. Kip. De filmsjter oet "Bon Bini Holland 2" waas wie altied supercharmant taege Vórs Dirk, dae dan ouch de volle laog van häör kreeg. En de party ging pas ech los, wie 't ouch nog ins demonstreerde waat het ónger e denske versjiteit.



D'r waar ins 'ne piraat mit rooj haor en 'ne roje baard dae mit zie sjiep aan 't rouve waar op de Rooj Zee. Dao kwaam d'r e rood sjiep taege. Dus wat dinks se? Hae vuurde drie rooj keugel aaf. Toen ging d'r weer aan boord en dao haolde hae 'ne roje sjtein oet zien rooj sjatkies. Noe efkes 'n vraog: waat is d'r noe het leuke aan dees mop? Doe kins die ouch in het zjwart vertelle!

**MUPKE!**



## Tweelingbroor van de Kersman

De Raod van XI sjiteit bekind óm de gooij kóntakte mit alderleij bekinde miense. Veurig jaor al de sirremonie-meester van de Raod mit Sinterklaos, maar ouch Jack Dörenberg blyk de tweelingbroor van de Kersman te zeen. Lès kwame zie zich taege bie kefée De Sjnats. Zeuk de versjille.... waem is waem?

## Teskesgarde

Toet de sjtandaardoetrösting van eder mae-  
dje bie de Kienjer- en Jeuggarde beheurt  
'n henjig ómhangteske wo zie get kleine en  
perseunlike sjpulkes in mit kinne naeme wie  
sjlók, 'n bietje zakgeldj, penninge, hoesorde en  
anger klein grei. Wiewaal die sjpulkes nooit  
väöl waerd zeen in geldj, vinje de maedjes 't  
waal fein óm det bie zich te höbbe.

Henjige teskes dus, mer mit danse sjlingere  
ze alle kenj op en det kins se dan net neet ge-  
broeke. Sjpjesaal es 'inlever- en bewaarpunktj'  
veur die teskes, is 'r 'n 'Teskesgarde' opgerich:  
'n aantal onversjrókke en sjtevige kaerels die  
ouch nog ins erg sjermant de teskes bie zich  
haje, óngerwiel de maedjes de luuj ammezere.  
Dank aan 't team van de 'Teskesgarde' veur  
hääore inzat.



hdi ik ben linda ik ben tien jaar oud mijn  
hobby sjntepen en scouting en buiten en  
en mijn lieveling Ellen is nobertjes en  
nirra minc lekkere eten spullen  
en ik heb ook een broer die roelond  
en mijn zus heet elke en mijn ouder  
en mijn moeder heet corolinde  
en mijn vader heet erwin  
en mijn ouf heet loes en  
ik vind het zo cool om  
op de oranje te dansen en  
dat was ik graag Linda

Ingesjuurd  
door Linde  
Kersten.

Yo-ho-ho!



# Knutsele met Juulke Vastelaoves-sjliem make

Doe höbs neudig:

- Knutselliem transparant (action/hema)
- voedingskleursjtóf of plakaatverf (rood, gael of greun)
- bakpoejer
- sjaersjoem
- lenzenvloejsjtóf
- grote plastic bak
- get óm te reure
- krelkes/glitter

- Sjtap 1 doot de liem in 'n kómp, half fleske  
sjtap 2 'ne heleboel sjaersjoem d'rbie sjpuite,  
toetdet 'n sjpónzige massa óntsjiteit, good reure  
sjtap 3 bietje vastelaoveskleure d'r bie, greun, rood of gael  
sjtap 4 dan 'n heel klein bietje bakpoejer, daodoor wurt de sjliem dieker,  
noe good reure  
sjtap 5 bietje veur bietje get lenzenvloejsjtóf d'rbie doon, let op neet tevööl  
want dan wurt 't te hel  
sjtap 6 as de sjliem los begint te kómme dan kins se 'm gaon knaeje  
sjtap 7 echte vastelaovessjliem maaks se aaf mit krelkes en flink get glitter

## Le Journal

De Kienjergarde haet dit jaor zóóó hel en flot 't nuuj denske d'rín getraind, det de trainsters Kirsten en Felicia zelfs nog tied euver hadde óm 'ne gezellige aovend te organisere róndj Sinterklaos. De trainsters hadde zich bedach det zie de kiendjes wólle belone door ze ins lekker mit oet aete te naeme. En det gebeurde dus op 1 december bie kefee Le Journal op 't Sjtasieplein. En mit e rundje kienjerchampagne d'rbie waas 't éin groot fees!





D'N UUL  
PRIZZENTEERT



Kapitein Sjstorm en sjtuurvrouw Kat höbbe óntdèk det häör geldjkies bienao laeg is... nog eine golje munt zit dr in! Dus d'r zit nieks angers op, ze mótte op waeg nao Sjateilandj!

Allein geit in dit avontuur nieks zo wie 't heurt te gaon. Sjstorm is neet bepaold 'ne sjtoere piraat, hae wilt lever leedjes zinge... of filmsjter waere... En Kat is hem in alles de baas. Maar neet allein det... De pirate op 't sjeep zeen neet waat ze lieke en de gevære die ze mótte euverwinne zorge veur heel get verrassing!

Väöl meer gaon veer uch hie noe neet vertèlle! Kóm op zóndaag 24 fibberwarie 2019 maar aan baord van

oos sjeep, es se dörfs... dan gaon veer same avonture belaeve, op waeg nao 'n denderende finale, die oos vastelaoveshert flotter zal laote kloppe!!

Persies 100 kienjer en 8 volwassene zeen al waeke hel aan 't rippetere óm veur alle kienjer van Remunj en wied dao boete en häör papa's, mama's, opa's en oma's, bure en vriendjes opnuuj 'n sjipsterende veursjelling op de plenk van de Appelsienerie te bringe.

Waalgekómme op 24 februari óm 13.00 oer en 15.45 oer, Theaterhotel de Oranjerie.

**SJEEP AHoy!!!**

**KAARTE  
TE KOUP  
BIEJ DE  
ORANJERIE!**

# De Kienjergarde 2018

Veer höbbe de  
kiendjes twee  
vraoge gesjteld:

- 1) Leukste vaste-laovend aktiviteit.
- 2) De favoriete fekansie-besjtumming.

**Charlotte Schmitz**  
1. Sjolefestasie  
2. Sjpanje



**Elisa Prestigiacomp**  
1. Alles  
2. Italië

**Floor Stroeken**  
1. Optoch/kermes  
2. Curaçao



**Jenna Jambroers**  
1. Kermes en  
de meziek  
2. Hawaï



**Maud van Etten**  
1. Op sjtap gaon  
2. Bonaire /  
Curaçao



**Marit Nelissen**  
1. Danse mit  
de KG/ kermis  
2. Sjpanje

**Lee Vienna Coenen**  
1. Kermes  
2. Oosteriek

# -2019



**Nina  
van Etten**

1. Optoch
2. Mallorca



**Vienna  
Prestigiacomp**

1. Alles
2. Italië



**Sara  
van Etten**

1. Danse mit KG
2. ABC eilenj



**Tirza  
Criens**

1. Optoch
2. Sardinië



**Sophie  
Opheij**

1. Optoch/  
Sjolefestasie
2. Ibiza

# INTERVIEW MIT FIORENZA!



VEURIG JAOR SJITTERDE HET OP DE SJOLEFESTATIE EN WAAR HET MIT ZIEN ZÈSTEEN JAOR DE JÓNGSTE FINALISTE IN HET LVK ALLERTIEJE! DIT JAOR KUMP HET WEER VERSJILLEND KERE VANOET VALKEBERG NAO REMUNJ ÓM DE NACHTEGAELKES OET DE BUIM TE ZINGE: FIORENZA

## Enne, bösse weer e bietje biegekómme nao al die successe van 't aafgeloupe jaor?

Jao, haha, ich bön weer biegekómme van 't veurig sezoen. 't Waar e heel drök maar superleuk sezoen, mit optraejes door gans Limburg! Van Haerle toet Venraoj en van Roggel tot Nuuj Berge.

## 't Veurig jaor sjtings se in de LVK-finale en verder zón bietje op eder groot podium. Waat waar 't alleraafste óm te doon?

't Allersjiekste óm te doon waar dink ich toch de 11e van de 11e & de finale van 't LVK. Zo väöl luuj die die leedjes oet volle bórs van veur toet achter mit zinge, dat is ech super vèt!

## En wie waar 't óm op de Sjolefestatie te moge zinge?

Ja, super vet! De sjolefestatie waar e groot fees! 't Ganse plein ging van links nao rechts en ze zónge alles keihel mit, ja dat is super as se dao dan op 't podium sjteis.

## En wie vinjs se 't Remunjse publiek

't Remunjse publiek is get losser dan hie in 't zuije. Ze doon bie alles mit, maak neet oet waat 't is! Höbbe get meer paeper in de vot dan hie in 't zuije haha!

## Dit jaor höbs se weer e paar leuke nuuj leedjes, maar doe duis neet mit mit 't LVK ómdet de regels zeen aangepas en se noe obbins minstes achteen mós zeen. Bliefs se dit jaor mit de vastelaovend thoes?

Naaeee, ich blief zeker neet thoes dit jaor. In taegendeil zelfs, ich dink det ich meer weg bön dan det ich thoes bön haha. De agenda sjiteit good vol toet en mit de vastelaovend! Mer deze vastelaovend geit waal get sjpecialer waere, ich waer namelijk op vastelaoveszón dig 18 jaor en dan moog ich de hele dag feestje viere tiedes alle optraejes.

## Det wurt 'ne gave verjäördig. Zèk, wo zóls se nog gaer ins wille zinge?

Uhhhhmm, ja.... Dat is 'ne goje, haha. Ich zól 't supervet vinje óm nog ins te moge optraeje bie de Zoepkoel mer ouch bie de Sjasiefestatie!



@Studio Hellenbrand

**Veer höbbe geheurd des se nog geweun op sjool zits en dit jaor exame duis. Höbs se eigelik nog waal tied óm hoeswerk te make?**

De tied höb ich d'r waal veur, maar ja, as se 'n optraeje höbs dae avond of middig dan is det sjtiekenk toch waal mien prioriteit... Maar laot det maar neet aan mien sjool heure, angers mótt ich nog op 't metje kómme.

**En wat vinje dien klasgenote d'r eigelik van des se zón succes höbs?**

Ich höb 't eigelik in 't begin neet ech kinbaar gemaak wie ich begós aan de middelbare. Sommige weite 't nog sjteeds neet nao 5 jaor, haha. Mer degene die 't weite die vinje 't waal ech vèt! Die sjtaon och dökker bie optraejes veuraan of kómme extra kieke! Ja, det is netuurlik super vèt. Zelfs miene mentor oet 2 Havo kump nog regelmaatig nao mien optraejes kieke.

**Fiorenza, doe zings al jaore, doe wóns 't aafgeloupe jaor CMC Alaif, maar eerder al het KVL en het TVK. Doe sjteis dus al jaore op 't podium en achter de microfoon. Wie bös doe oeteindelik zo good gewaore, of kós se as kleine poet ouch al zo zinge?**

Nouu... ich höb filmpkes gezeen wo 't zinge nog neet zo geweldig waar, haha. Ich höb al vanaaf mien 8e zangles bie Diana Olierook (dus al bienoa 10 jaor) en die sjteunt mich heel good!

**Höbs se mesjiens nog tips veur kienjer of jongere die eigelik ouch waal heel gaer vastelaovesleedjes zóllé wille zinge?**

Ich wil 't neet ech tips neume maar waal mien ervaringe die ich ze mit wil gaeve. Doot veural wo se dich lekker bie veuls, en as det bie vastelaovesleedjes zinge is móss se det veural doon! Laot nooit emes diene druim verpeste ómdet daegene 't neet leuk vinjt. As doe 't leuk vinjs, móss se 't veural doon! En veur de kienjer die in Remunj en ómsjtreke wone, höb ich geheurd det d'r 'ne kienjermusical is. Jaore lank höb ich zelf mitgedaon in de Sjpassmusical van de Winkbuulle en det is superleuk óm te doon! Dus as se interesse höbs, zól ich zeker wete ins langsgaan of informatie vraoge.

**Danke veur dien antjwaorde, nog ein vraog veur nao asgoonsdig. As veer e bietje wille biekómme van de vastelaovend en 'ne daag nao Valkeberg wille kómme, wo mótté v'r dan zeker effe haer?**

Danzólichnao Lunchroom Restaurant Oase gaon! Det is de lunchroom van miene pap, en döks huppel ich dao ouch nog róndj! Maar neet sjrikke as se binnekums, want dao hink 'n grote foto aan de moer, haha!



Ouch dit jaor vindj 't traditionele Sjapsnazebal plaats mit es thema:

# SJAT!

Höbs dich zin in sjpelkes en vette meziek? Kóm dan biej ós aan en same make veer d'r drie sjoon middage van. Ouch de Sjtadsprins en Sjtadsjeugprins zolle mit häör gardes biej ós aankómme.



# SJNAPSNAZEBAL

TOET  
DAN!



WANNEER : ZAOTERDAAG 2, ZÓndaag 3,  
MAONDAAG 4 MAART

WO : 'T WITTE KIRKSKE (VEURSJTAD)

WIELAAT : 16:00 TOET 20:00

DOELGROEP : 0 T/M 12

ANTREE : GRATIES EN VEUR NIEKS!

# SJNAPSNAZEBAL

## zeuk jóng miense die mit wille helpe!

AHOY!

Sjnapsnazebal is ein fees veur jóngk en aad, de kienjer kinne lekker sjpele en pap en mam genete van häör kienjer ónger 't genot van ein glas beer! Dit bal besjteit al teentalle jaore en waert de letste jaore georganiseert door Sem, Katja en Lian. Mér Lian geit der nao dit sezoen mit sjtoppe en ziej zeuke noe nao jonge miense vanaaf 11 jaor die häör mit wille helpe óngersjteune. Ouch elders zeen van herte welkom omdet d'r ouch waal ins zake geregeld mótte waere diej allein maar grote miense kinne doon.

### Waat waert der van dich verwach?

't Sjnapsnazebal is driej daag mit de Vastelaovend: op zaoterdaag, zondaag en maondaag, edere daag van 16.00 oer toet 20.00 in 't Witte Kirkske. Dao waert dan veural väöl Vastelaovesmeziek gedreijt om lekker te sjpringe en danse, maar ziej doon ouch väöl sjpelkes en d'r komme artieste optraeje.

### Der zeen allerleij meugelikhede om mit te helpe:

- in de maonje veur Vastelaovend mitdinke waat allemaol gedaon kint waere mit die daag
- sjpelkes zeuke of bedinke,
- leuke prieze oetzeuke die kienjer kinne winne,
- artieste vraoge om te komme optraeje,
- mithelpe versiere van 't Witte Kirkske,
- Tiedes 't Sjnapsnazebal zelf helpe mit de sjpelkes, D.J. zeen en meziek dreije op ein echte supervette geluidsinsjtallasie of de prieze oetreiike.



Bös doe 11 jaor of aajer en heel entoesjas? Of kins doe emes dae 't heel leuk zal vinje om te doon maar dae door ós gevraog mot waere? Mail dan nao secretaris@dn-uul.nl.

Laot estebleef van uch heure, veer kinne eder helpend händje gebrooke. Want zegk noe zellef dit moog toch neet verlaore gaon!?



# DE UULEJÓNGES

'T IS GELÖKT, VEER HÖBBE NAEVE  
'T JEUGPRINSELIK GEZELSJAP  
OUCH JÓNGES DIE BIE ÓS  
JEUG-OETTREKKEND GEZELSJAP  
VANAAF NOE MIT OP SJTAP GAON!  
**UULEJÓNGES IS HÄÖRE NAAM.**

Nao de oproop van Vórs Dirk I veurig jaor in de Uulewapper, kwaam 't op gang. 'T begos mit ein beerviltje (laes limmenaatviltje) waat Vórs Dirk I veurig jaor in de henj geduujd kreeg. Dao sjting op: "gaer wille veer ein Jeugraod van XI bie D'n Uul en veer zolle 't sjoon vinje om dit idee wiejer mit uch vorm te gaeve". Ein Jeug Raod van XI en dan neet zomaar get, mer ouch om ech mit te doon en mit oet te trekke waas de toelichting derbie.

Want noe kinse bie D'n Uul es jóng allein mer Jeugprins of adjudant waere en veer wille ouch ech Vastelaovend viere. En mit echt bedoelde zie, deil oetmake van de Uulefamilie en same mit 't Jeugprinselik Gezelsjap, de Kienjergarde en de Jeuggarde op sjtap. Ouch ins op ein podium sjtaon en ein hoesorde of ongersjeijing kriege van anger Jeugprinsie in de omgaevung. Of gezellig mit es 't ganse Oettrekkend Gezelsjap op sjtap geit mit de bös, of ein feesje boewe oppe Wichterfieëstmiddig in Wieërt, of mit oppe optochwages in de grote optoch en nog väöl meer. Allemaol netuurlik gaer herkinbaar zodet ouch ederein wit waem zie zeen.

Mit dees gedachte ging Vórs Dirk I aan de sjlaag en waerde der vergadert (bie D'n Uul waert väöl vergadert). Nao de vergadering in 't Algemeen Bestjuur, Dageliks Besjuur en oppe Algemeine Lejevergadering, waas ederein door Vórs Dirk I euvertuug det 't ein super idee waas! Es de Kienjergarde en Jeuggarde same zoväöl plezze höbbe dan mós det mit de jonges ouch waal gaon lökke. Same mit Carla Klaver ging Vórs Dirk I aan 't wirk en waerde hiej en dao nog ins good geloesterd. Der waerde eine leuke groep jonges biejein verzameld en same mit de elders waerde d'r euver naogedach wie de jonges d'r oet mósde komme te zeen. Toen waerde al sijnel besjlaote det Jeug Raod van XI waal erg aajerwets is en is de naam Uulejónges gebaore.

Op zondaag 13 jannewari veur 't oetrope van de nuje Sjtadsjeugprins mit zien adjedante höbbe de Uulejónges zich aan 't grote Publiek geprizzenteerd. Vanaaf det moment gaon de Uulejónges mit op sjtap. Herkinbaar aan häör donkerblauwe sjpeikerboks, witte sneakers, witte bloes en blauwe Uulepet. Geweldig det veer ós aktieve jeugd kinne oetbreije mit de Uulejónges! Dink geer noe det wille ich ouch, dao wil ich ouch bieheure; meldj uch dan aan. Det kint via [info@dn-uul.nl](mailto:info@dn-uul.nl) of netuurlik ouch bie Carla Klaver of Vórs Dirk I. 'Is prachtig det de Uulejónges 'opsjtarde det veer bie D'n Uul 't jaormotto "deil dien Vastelaovesgeveul!" höbbe. Want ederein viert de Vastelaovend op zien eige wies... mer waal SAME!

CARLA KLAVER EN VÓRS DIRK I



# Kienjergarde begeleidster Marijn

In de jaore 90 höb ich bie de Damesgarde van D'n Uul gezaete. Waat 'ne superleuke, gezellige tied waas det. In 2014 is de middelste dochter Maud bij de kienjergarde gaon danse... Het waas toen 6 jaor. En in 2017 ging de jongste dochter Sara ouch danse bij de kienjergarde.

Alle aktiviteite womit elders mit moogde gaon, ginge veer sjteeds mit... 't Waas altied super gezellig. Wie Carla mich vroog of ich häöre taak/ról as begeleijing van de kienjergarde wól euvernaeme zag ich vaort: Jao.

Dit waert 't eerste sezoen det ich ipv elder as begeleijing mitgaon mit de vereiniging. Ich höb d'r super väöl zin in. En óm mit 't gezin deze tied same te viere is Thomas bie de raod van 11 gegange. Dus de ganse familie van Etten is noe aktief bie D'n Uul!



## Trainsters Kienjergarde

Haa leef Uulkes, Veer zeen Kirsten en Felicia.  
Same traine veer mit plezeer de Kienjergarde van D'n Uul.

En wat zeen veer greuts op dees Uulekiendjes!  
Veer zelf zitte bie de Damesgarde en zeen vriendinne vanein.

Veer zeen van konkurrente taegenein mit turne,  
nao vriendinne bie de Jeug- en Damesgarde  
gegaon. En haope nog heel väöl jaore plezeer te  
kinne höbbe mit 't traine van de Kienjergarde!



Ederein haet waal 'n heel bezunjer vastelaovesrillekwie, 'ne pin, e sjpengske, 'n medalie, 'ne sjaal, e veurwerp, 'n pet, in eder geval get heel bezunjers. Veer vroege e paar jong vastelaovesvierders nao häör favoriete rillekwie. Waat is dien vastelaovesrillekwie?

### Per (al jaore musicalsјter)

Mien favoriete vastelaovesrillekwie is deze pin van de Kienjermiddaag van aafgeloupe jaor. Dao bön ich supergreuts op, ómdet ich 't superleuk vijn om hie-aan mit te doon. Dit jaor bön ich och weer eder waek drök mit rippetere



### Maud (al jaore Kienjergarde)

Det is lastig, ich höb nog alle medalies vanaaf 2014 wie ich bie de kienjergarde kwaam. 't Meis greuts bön ich op de medalie van 't 7x11 jubelee. Die is 't sjpeciaalste, want Mamma haet de medalie van 5x11 nog sjteeds. Toen zoot zie bie de Damesgarde.



### Puck (al jaore musicalsјter)

Mien favoriete vastelaovesrillekwie is nog neet zo aad, die höb ich veurig jaor gekrege bie de kienjermusical, de pin van Sjterresjtaof. Dae pin herinnert mich aan e geweldig weekend in de Appelsienerie wie veer Sjterresjtaof sjpeelde. Ouch dit jaor doon ich weer mit de kienjermusical mit. Waem wèt kriege veer och dit jaor weer get wat ós herinnert aan deze geweldige tied en de veursjtellinge! Dan höb ich sjtrakkes e gans vastelaovespekske vol mit sjoon herinneringe!



# TEL AOVES RILLE KWIE

## Stijn (aad-adjudant, musicalsjter)

Det is gemekkelik, ich bön veurig jaor adjudant van Enzo gewaes en toen höb ich de adjudantemedalje gekrege. Die herinnert mich veur de res van mie laeve aan e geweldig vastelaovesjaor.



## MaC (uulejóng)

Ich bön altied ridder mit de vastelaovend, dus ich gaon noojt de deur oet zónger mie zjwaard mit uulesjtikker.

## ULE LOGO SJMINKE

't Uule logo is es sjabloon te kriege biej D'n Uul door ein email te sjture nao info@dn-uul.nl en biej de Póppedokter Wiermans-Genang op 't Munsterplein.

Tips om 't Uule logo op te bringe zónger dat de sjmink ónger 't sjabloon doorlop:

- Sjmeer de achterkantj van 't sjabloon in mit Pritt, daonao plekse 't sjabloon mit de klein óngerdeile good op 't gezich.
- Mit eine sjons op ein sjtekske de sjmink deppe en zeker neet te naat aanbringe
- 't Sjabloon d'r aaf haole en 't zit perfek.



Op e groot piratesjeep wérk 'ne nuje Chinese sjéepskok Ching, dae e bietje mit e Chinees accent sjprikk. Edere keer as d'r soep of gegrilde papegajebats kump bringe make de pirate grappe euver zie Chinees accent. Ching trèk zich d'r nieks van aan en nao e tiedje wurt het vanzelf minder. Op 'ne daag zaet de kapitein taege Ching: 'Doe bös ech eine van ós gewaore, veer zalle dich neet meer plaoge mit dien accent. 't Sjipt ós.' 'Sjoon,' zaet Ching, dan zal ich och noojt meel in de soep plassen.

**MUPKE!**



# DE JEUGGARDE

## 2018-2019




Ich bön  
Evie, bön  
15 jaor  
aad en zit  
op B.C.  
Broekhin.  
Mien hobbies  
zeen paerdrieje  
en danse.



Ich bön Björk, 12 joar en  
zit oppe Sjteine Brök. ich  
vijn t leuk om te danse bie  
d'n Uul en auch sjeepel ich  
gaer hockey bie Concordia. ich verheug mich  
op de Vastelaovend!



Ich bön Charlotte en 13 jaor aad. Ich zit  
't 2de jaor van de middelbare. Ich zit nog  
neet zo lang biej de Jeuggarde maar  
haaj waal al heel lang van Vastelaovend.  
t Is super gezellig biej de garde. Verder  
doon ich gaer danse en film kieke.



Ich bön Bibi, bön  
12 jaor en zit op de  
Vrieje Sjool van B.C.  
Broekhin. Ich bön  
5 jaor geleje begós  
mit danse biej  
de Kienjergarde,  
dit jaor dans ich  
veur 't eerst biej de  
Jeuggarde. Mien  
hobbies zeen golf,  
tennis en teikene.



Ich bön Diede, bön 12 jaor aad en zit in 't eerste jaor van Niekée. Ich haaj van sushi en frietjes en mien hobbies zeen turne en knutsele.



Veer zeen Fabiana en Femke Anne en veer traine dit jaor veur 't eers de Jeuggarde. Veer zeen allebei begós mit danse biej de Kienjergarde, doorgesjtruimt nao de Jeuggarde en toet sjlot nao de Damesgarde, wo Femke Anne nog sjteeds dans. 't Uulehert zit dus waal op de gooij plek. Wiej ós deze zomer de vraog waerde gesjteld om de Jeuggarde te traine höbbe veer gein moment getwiefelt. Veer zeen mit volle moot begós en kiek ins wat der noe sjteit! t ls superleuk om dees maedjes training te gaeve en veer zeen zeker van plan om hiejmit door te gaon.

Ich bön Noor, bön 13 jaor, zit op B.C. Broekhin en miene hobbie is voetbal.



Ich bön Mia, 12 jaor aad en ich zit biej basis-sjool OBS Aan de Roer in groep 8. As hobbie hockey ich en 't leefs winkel ich eedere daag.



Ich bön Zoë, 13 jaor en ich zit in de brögklas van B.C. Broekhin. Ich zit al lang biej de garde van D'n Uul. Eers biej de Kienjergarde en dit is mien tweede jaor biej de Jeuggarde. Mien favoriete hobby is dans.



Ich bön Puk, 14 jaor aad en gaon nao Mavo Remunj. Mien hobbie is paerdrieje.



# DÖBBELINTERVIEW

## PRINS VAN D'N UUL 2019

### 1. Waas 't al oojt 'ne druim van uch óm Prins te waere?

Vreuger waal, als klein menke keek ich dao enorm taege op. Bekeek mich dae prins van toep toet teen as ich mit pap mitging, dae waas toen bie de raod van elf. De lèste jaore vinj ich 't leuk zelf op paad te gaon en dan kieke wo des se oetkums. Wie laat det 't waert en get wat daa op riemp.... Maar as se de Prins veurbie zuus kómme dan dinks se toch waal altied.....det is toch ouch sjoon!

### 2. Höb geer vaort "jao" gezag of móos geer d'r nog efkes euver naodinke?

Netuurlik. Die vraog sjtelle ze dich maar eine keer! Zeker wie twee waeke daoveur Danieck as jeugprins waerde gevraog. Wie sjoon wils se 't höbbe? Same mit diene zoon as jeugprins door de sjtraote de vastelaovend veurgaon. En prónt wie de prinsekeuzekemissie al zag; 't hoes sjfeit toch al op de kop!

### 3. Wie zeet geer toet de keus van de leje van eur prinselik gezelsjap gekómme?

Det waas veur mich medein dudelik. Dees jonges móos ich d'r bie höbbie angers had ich 't neet gedaon. Det zien mien beste kammeräoj, al ruum 25 jaor lank! Ich weit waat ze kinne en zie zorge det ich de ganse daag de juuste schwung óm mich haer höb. Det weit ich zeker.

### 4. Nao waat veur evenement kiek geer 't meiste oet?

Det is meuvelik. De nach, de daag nao de nach, 't verkesbal, de sjtasiefestasie. Ich kin eigelik neet keze. Ich laot 't maar gebeure. Alle evenemente höbbe häör eige uniek karakter. Wie-waal ich dink det sjtasiefestasie waal heel bezunjer is.

### 5. Gaot geer 't misse óm mit al eur vrunj vastelaovend te viere?

Nae, want die sjtaon naeve mich. Höbbe allemaal de vastelaovend mit waal vief laepels nao binne gekrege, haje van sjaele kal en barsie van de energie.

### 6. Waat vinjt geer 't meis bezunjer óngerdeil van eur prinsepak?

De maillot en 't biebeurend gevech van wie kóm ich dao in, en wie kóm ich dao oet!

### 7. Waat wilt geer de laezers van deze Ulewapper nog laote weite?

Geneet, det doon veur ouch. Ich haop uch allemaal te treffen en det v'r d'r ós 'ne kinne drinke. As v'r aswoonsdaag in de sjpegel kieke en van de eerste sjrik bekómme zeen, haop ich det ederein taege zichzelf kint zègke: Meer zoot d'r neet in... v'r höbbe 't maximale d'roet gehaold. Oftewaal 't verke is ram op!



# JEUGPRINS VAN D'N UUL 2019



## 1. Waas 't al oojt 'ne druim van uch óm Prins te waere?

Jaozeker! Veurig jaor höb ich det nog taege mien mam en miene pap gezág. Ich zag: "As ze mich vraoge, zèk ich medein jao"! Neet weitend det ze mich ech ginge vraoge...

## 2. Höb geer vaort "jao" gezag of móos geer d'r nog efkes euver naodinke?

Ich wis 't antjiwoord medein, höb d'r neet euver hove te dinke. Ich kreeg waal vaort de kriebels wie ich jao zag, ich zoog 't al helemaol veur mich.

## 3. Wie zeet geer toet de keus van de leje van eur prinselik gezelsjap gekómme?

Det waas veur mich al flot dudelik. Eine adjudant is miene achternaef, veer zeen al vrunj vanaaf det veer klein zeen, veer viere same vastelaovend, veer gaon same op vekansie en veer zeen allebei DJ. En de angere adjudant is miene bëste vrundj al vanaaf groep 1, veer sjpraeke eder waek aaf, ouch óm te logere, v'r voetballe same en viere ouch same vastelaovend. En dan is d'r ouch nog mie zösterke, ómdet het meint thoes alles veur mich te mótte regele, moog het dae taak noe op zich naeme, as regeltante!

Dét kint het as de beste!

## 4. Nao waat veur 'n evenement kiek geer 't meiste oet?

De Sjolefestasie. Vanaaf mien 2e jaor nump pap mich dao mit haer. Veurig jaor höb ich nog gans veuraan gesjtange mit mien twee adjudante/vrunj en zeen veer oet oos daak gegange en höbbe nog flink gedans. Noe moog ich 't ööpene, wie bezunjer is det? De optoch waert ouch sjpeciaal, veur t eerst baave-op de prinsewage!

## 5. Gaot geer 't misse óm mit al eur vrunj vastelaovend te viere?

Jao, dink 't waal. Ich höb noe 'n anger program as normaal. Maar eigelijk ouch neet, want ich höb mien beste vrunj links en rechs naeve mich!

## 6. Waat vinjt geer 't meis bezunjer óngerdeil van eur prinsepak?

't Prinsekruutz. Ich zoog 't veur 't eers bie de fotograaf. Heel sjpeciaal en prachtig gemaak. Ouch mien hobbies zote d'rin verwérk! Sjoon, 't blónk wie 'ne sjpeigel.

## 7. Waat wilt geer de laezers van deze Uulewapper nog laote weite?

Ich haop det alle laezers net zo väöl plezeer höbbe aan de vastelaovend as ich. Dit jaor in 'n anger rôl, maar ich kóm uch allemaal taege as t good is. Dan drinke v'r ós e lekker glaeske limmenaad. Mesjiens zit d'r daonao nog waal e denske in!



# De Uulle Gezet

## Vaerdig veur Mars

**Veuriq jaor berichde veer uch al euver 't 'kasteleinreincarnasieduo' Max en Sjors achter de tap bie de rippettiesies van de Kienjer- en Jeuggarde. Geïnspireerd door de Kienjermusical "Sjterresjtaof" van veuriq jaor, zeen Max en Sjors zich noe aan 't veurbereije óm euver e paar jaor mit te gaon mit de allereerste missie nao Mars die noe opgezat geit waere.**

Alletwee de aspirant-astronaute zeen óngertösse al drök aan 't sjutdere nao de wérking van rakette en explosieve óntbranjinge en veure ouch regelmaotig experimente bie 't Witte Kirkske oet. Dit is ein van de veurwaarde óm mit te moge mit de Marsexpeditie. Op Mars is 't de bedoeling det zie mit häör tweje 't allereerste intergalactische kefee gaon äöpene. De naam van die kefee is ouch al bekind: Kefee de Sjter. Ómdet de atmosfeer op Mars netuurlik gans angers is as hie op Aerd, is dao ouch 'n sjpeciaal tapinsjtallasse en-apparatuur veur neudig. Det höbbe zie



óngertösse ouch al laote óntwikkele.

Op de foto sjtaon de twee kefeebaze al mit de sjpeciale tapkraan dae veur heur óntwórpe is. Bie deze tap bevinjt 't vaat zich baove de tapkraan ónger 'n rónj glaze sjtulp; det mótt waeges de anger zjwaortekrach op Mars. Wie det geer op de foto ouch kint zeen is zelfs 't logo van de eerste Marskefee (de Sjter) al verwérk in de tapkas. Dit is avel neet zo maar e prototype, maar toeddet de Marsexpeditie vertrék waert de Marstapkraan oetveuriq in 't dageliks gebroek getes bie 't Witte Kirkske. Bekiek uch 't apparaat dus maar gerös as geer kómmend sezoen in 't Witte Kirkske kómp



## Veursjtelle Tirza (nuuj biej de Kienjergarde)

Ich heit Tirza Criens en bön 7 jaor. Mien hobby is paerdrieje en dan veural voltige. Miene hóndj hit Roos en miene knien Zjwabber. Ich zit same mit mie tweelingbroor Tijl oppe Sjeine Brök bie juffrouw Petra. Mien leefste leedjes zeen van Vleisboeket en mien leefste aete is rood-gael-greune cake.

# 't Pinke van Sjterresjtaof!

As se väöl kienjer oet Remunj vreugs: Waat is die favoriet vastelaovesattribuut? Waat numm se altied mit as se Vastelaovend geis viere?? Dan höbs se grote kans des se as antjwaord kriegs: 't pinke van de Kienjermusical van 2018 Sjterresjtaof!!!

**Waat is d'r noe zo leuk aan zón pinke?**

**En wo kump 't vanaaf?**

't Make van pinkes veur de Vastelaovend besjteit natuurlik bès al lang. 't Is e jaorliks aandinke van 'n vereiniging, 'ne prins of 'n evenement. E pinke mótt och voldoon aan 'n aantal eise, zo mótté thema of kleure van beveurbeld 'n vereiniging herkinbaar zeen. Ouch heurt d'r e jaortal op te sjetaon van 't jaor wo-in 't pinke waert oetgedeild. As se 't köps, sjteuns se daomit de vereiniging of doe kriegs 't as waardering veur vriewilligerswerk of dank veur 't deilnaeme aan 'n evenement. In eder geval is 't drage van e pinke altied 'n eer en verbinjt 't diegene die 't drage mitein.



In 2018 haet de Kienjermusical zien eerste pinke laote make. As aandinke veur alle kienjer die höbbe mitgedaan en as dank veur die gene die zich vriewillig veur de musical höbbe ingezat. Dit jaor, 2019, is de naam van de Kienjermusical SJAT!

En wèt geer waat extra leuk is dit jaor??? D'r zal e beperk aantal pinkes in de verkoup gaon. Dus breurkes, zösterkes, en waem dan ouch... let good op bie de Oranjerie op 24 februari róndjóm de veursjtellinge. Mesjiens kins se dan ouch nog zón uniek pinke bemachtige!!!!

## Top drie aete

De aet top drie van de Jeuggarde is:

Op de 1ste plaats Wieck,

Op de 2de plaats McDonalds

en op de 3de plaats McDonalds



## Rebus



# SLEEP-OVER

Sins veurig jaor is 't in eine keer 'n nuuj tradisie bie de Kienjergarde: de 'Sleep-over', oftewaal pyamaparty, oftewaal 'eine aovend en nach mit zien alle logere bie ein van de kiendjes toes'. Aafgeloupe jaor waar det bie Jenna toes.

In de hoeskamer waar lètterlik 'n saort bedoeïnetent geboewd. Ouch Jeugprins Enzo I en zien adjudante nome aan 't aovendpegram deil. 'ne DJ waar zelfs ingevlaoge om de party 'los' te laote gaon. Nao de neudige sjpelkes en denskes waerde de lóchbèdde opgeblaoze en mit de hookbank d'rbie waerde d'r ein groot bed gemaak. 't Waar toet in de hele kleine uurkes nog heel gezellig, mer sjmorges waar nao 'n good ontbijt ederein toch weer topfit veur de resepsie van Jeugprins Enzo.



Klaor veur de nach.

De Jeugprins (rechs liggend op de henj van zien adjudante) ouch in 'da house'





't Sjpelke 'Mieneveldj'.



De 'baom' veur vandaag make.



Zólle veer de leijing 'ns laote sjrikke?



"Waem bön ich?"



Veer zeen d'r klaor veur!

# LEEF UULEJEUG EN VASTELAOVEND VIERENDE JEUG IN REMUNJ,



Waat doerde 't lang... mer noe is 't Vastelaovessezoen 2019 ouch veur de Uulekienjer en Uulejeug begós! Wo veur 't "grote" oettrèkkend gezelsjap van D'n Uul 't Vastelaovessezoen al tiedes aad op nuuj (ofwaal de 10de van de 11de) is begós, mós geer nog aeve wachte. Mer tiedes de Middaag van de Nuje Sjtadsjeugprins op zóndaag 13 jannewarie, höbbe veer **Dórlöstige Hoogheid Sjtadsjeugprins Danieck I Brouns mit zien adjudante Vinn Lutgens, Job Mevissen en onger toezeend oug van "regelzöster" Bibi Brouns**, oetgerope.

't Waert ein sjiek Vastelaovessezoen, want veer weite det ouch 't jeug-oettrèkkend gezelsjap van D'n Uul van ein feesje hilt. Waat doerde 't lang... mer noe is 't Vastelaovessezoen 2019 ouch veur de Uulekienjer en Uulejeug begós! Wo veur 't "grote" oettrèkkend gezelsjap van D'n Uul 't Vastelaovessezoen al tiedes aad op nuuj (ofwaal de 10de van de 11de) is begós, mós geer nog aeve wachte. Mer tiedes de Middaag van de Nuje Sjtadsjeugprins op zóndaag 13 jannewarie, höbbe veer **Dórlöstige Hoogheid Sjtadsjeugprins Danieck I Brouns mit zien adjudante Vinn Lutgens, Job Mevissen en onger toezeend oug van "regelzöster" Bibi Brouns**, oetgerope. 't Waert ein sjiek Vastelaovessezoen, want veer weite det ouch 't jeug-oettrèkkend gezelsjap van D'n Uul van ein feesje hilt. Geer kint de feesjes gaon boewe want de Uulefamilie is gans kómpleet! Tiedes de Nach van de Nuje Sjtadsprins höbbe veer namelik ouch al de "grote" **Sjtadprins Dórlöstige Hoogheid Marc II Brouns mit adjudante Alexander Bongaerts, Jos van Rey (jr.), Berry Gossens en "regelnaef" Dave Mevissen** oetgerope. En dit is ein bezunjere situasie. 'T is bie D'n Uul nooit eerder veurgekomme det vader en zoon tegelyk Sjtadsprins en Sjtadsjeugprins zeen. Ouch is adjudant Job, de zoon van regelnaef Dave. Det waert allemaal same ein super sjoon Vastelaovessezoen!!

Det waert ouch ein lank sezoen, allemaol ónger ós jaormotto **deil dien Vastelaovesgeveul!** Ein prachtig motto bedach door Esther Verhagen, de mamma van aad Sjtadsjeugprins Sjors I Smeets. Det motto pas helemaal in deze tied van social media en dus ouch bie uch es Uulekienjer en Uulejeug. Veer höbbe väöl tied óm es Kienjergarde en Jeuggarde same mit ós twee Prinselike Gezelsjappe en soms mit 't "grote" oettrèkkend gezelsjap, op sjtap te gaon. En dan vergaet ich nog eine groep. Want 't geit gebeure; der kómme Uulejónges bie D'n Uul, geweldig! Nao miene oproop van veurig jaor is der ein idee óntsjaon waat der toe geleid haet det der ongeveer 10 Uulejónges in de laeftid van 6 toet óngeveer 12 jaor, 't jeug-oettrèkkend gezelsjap gaon versjterke. Veer zeen der greuts op! Laes in ein anger artikel in meer hiejeuver.

Gaer kieke veer ouch nog aeve truuks nao de Vastelaovend 2018. Sjtadsjeugprins Enzo I mit zien adjudante Sjors en Stijn en Sjtadsprins Rogér II mit zien adjudante Marvin, Joost en Ruud höbbe ós eine sjitterende Vastelaovend gebrach. Zie ginge D'n Uul same op ein sjieke wies veur en sijtinge euveral te sjtraole. 't Waas ouch sjiek det de ganse Uulejeug zichbaar zoväöl plezier haaj, geweldig! Helaas blief 2018 ouch heel sjlech in ós gedachte hange. Op veer augustus 2018 mónde veer ónverwach Ronald Klaver oet ós Uulefamilie loslaote; versjrikkelik nuujs waas det... Ronald waas op 7 jannewari 2018 toet Grootmeester van D'n Uul beneump vanwege al zien verdeene veur D'n Uul. Mer geer kint 'm veural es kertrèkker binne de Jeug en biejd de Jeugprinskeuze- en Begeleijingskemissie. D'n Uul módt helaas verder zónger Ronald, mer der zal altied örges ein sjoon Uulesjter aan de hemel sjtaon te sjtraole. En in det sjtraolend leeg drage veer de herinneringe aan Ronald altied bie ós...!

Veer kieke in 't lange Vastelaovessezoen 2019 bezunjer oet nao de Kienjermusical op 24 fibberwarie. Mer leefs 100 kienjer doon mit dit jaor. Super wirk van de kemissie en de 2 veursjtellinge zóolle zeker prachtig waere. Koup dus allemaal ein kaertje mit eur femilie! Veer haope det ós Prinselike gezelsjappe same mit ós Kienjergarde, Jeuggarde, Uulejónges en alle Vastelaovend vierende jeugdige oet Remunj der eine sjone tied van gaon make. Daorom wins ich uch allemaol väöl Vastelaovesplezier ónger ós jaormotto **deil dien Vastelaovesgeveul!** En ederein viert de Vastelaovend op zien eige wies...mer waal SAME!





## COLOFON

### Riddaksie

Hein Jambroers  
Esther Verhagen  
Frits Criens  
Hetty Jacobs-Wiermans  
Ton Hensen  
Dennis Engelen

### Mit dank aan

Jeugprins van D'n Uul 2019:  
Danieck I Brouns  
Prins van D'n Uul 2019:  
Marc II Brouns  
Vórs Dirk I  
Ingrid Breugelmans  
Fiorenza  
Wilma Favre  
Carla Klaver  
Dagmar Cillekens  
De Jeuggarde  
Esther Willemsen  
Marijn van Etten-Baars

### Fotoos

Foto Studio Bongers (Prinsenfoto's)  
Femielies van 't JPG  
Femielies van de Kienjer-  
en Jeuggardes  
Harry Allers  
De riddaksie leje

### Oetgaaf

Sjtadsvastelaovesvereniging D'n Uul  
Posbos 11, 6040 AA Remunj

### Vormgaeving

Ontwerpbuuro M  
[www.ontwerpburom.nl](http://www.ontwerpburom.nl)

### Drök

ARS Printmedia

### Ketak

[www.dn-uul.nl](http://www.dn-uul.nl)  
[uulewapper@dn-uul.nl](mailto:uulewapper@dn-uul.nl)

### Copyright 2019

Alle sjrievversrechte mit betrekking  
toet de inhald van dees oetgaaf  
waere oetdrökkelik veurbahaje.  
Dees rechte beröste biej  
Sjtadsvastelaovesvereniging D'n Uul  
Remunj ofwaal biej de betreffende  
sjriever.





# D'N UUL PRIZZENTEERT

5-1-2019

## Nach van de Nuje Sjtadsprins

*Oranjerie, Salle de Fête*



10-1-2019

## Aovend van de Primäör | *Braam*

13-1-2019

## Middaag van de Nuje Sjtadsjeugprins

*Oranjerie, Salle de Fête*

17/18/19-1-2019

## Buute-Aovend Lachenderwies

*Oranjerie, Theaterzaal*

2-2-2019

## Verkesaovent | *'t Sjoolpaad*

17-2-2019

## Resepsie Sjtadsjeugprins | *'t Witte Kirkske*

23-2-2019

## Vastelaoveskirkdeens

*St. Christoffel Kathedraal*

24-2-2019

## Kienjermusical | *Oranjerie, Theaterzaal*

1/2-3-2019

## Sjolefestasie en Sjtasiefestasie

*Sjtasieplein*

2/3/4-3-2019

## Sjnapsnazebal | *'t Witte Kirkske*

3-3-2019

## Resepsie Sjtadsprins | *Oranjerie, Salle de Fête*

5-3-2019

## Aaftraeje Sjtadsprins en Sjtadsjeugprins

